



# PROGRAM PODRŠKE MARGINALIZIRANIM GRUPAMA (PPMG)

NOVEMBAR 2015.



*Učesnici/e treninga o temi Pravne i organizacijske strukture*

## ODRŽAN OPKRUGLI STO O TEMI „OMLADINSKO PREDUZETNIŠTVO KAO DIO RJEŠENJA NEZAPOSLENOSTI MLADIH“

U sklopu USAID-ovog Programa podrške marginaliziranim grupama (PPMG), u prostorijama Obrazovno-razonodnog centra za mlade SPAJALICA na Ilidži u Sarajevu, održan je okrugli sto na temu „Omladinsko preduzetništvo kao dio rješenja nezaposlenosti mladih“. U diskusiji je učestvovao Mirnes Dedukić, službenik za mlade Općine Tešanj, Bosa Kalinić, službenica za mlade Opštine Istočna Ilidža, Aldin Alić, predstavnik Omladinskog udruženja „ReAktiv“ Zenica, te

mladi iz sedamnaest lokalnih zajednica. PPMG u sklopu redovnih aktivnosti, pored mentorstva i individualnih obuka za predstavnike/ce organizacija koje se zalažu za prava marginaliziranih grupa u BiH, realizira i zagovaračke događaje, okrugle stolove i treninge. Velika nezaposlenost mladih u Bosni i Hercegovini je najveći problem, kao što je i najveći problem bh. društva. Radnih mjesta je jako malo. Nerijetko se dešava da se na jedan oglas za posao prijavi desetina mladih ljudi.

Kao jedno rješenje, predstavnici USAID-ovog Programa podrške marginaliziranim grupama, vide samozapošljavanje ove populacije. Koje, složili su se učesnici diskusije, ima svoje velike prednosti, ali i nekoliko nedostataka. Osnovni je, tvrde, nedovoljna informiranost mladih o mogućnostima i pogodnostima pri pokretanju vlastitog biznisa.

## SADRŽAJ

Održan okrugli sto o temi „Omladinsko preduzetništvo kao dio rješenja nezaposlenosti mladih“ .....	1
Potpisan ugovor o dodjeli granta između USAID-a i Udruženja građana „Ženski košarkaški klub u kolicima Bambi“ .....	3
PPMG podržao sastanak osnivanja krovnog zagovaračkog tijela mladih u FBiH .....	3
Održan trening o temi Administracija i ljudski resursi .....	4



Panelisti uvodničari: Mirnes Dedukić - službenik za mlade Općine Tešanj i Bosa Kalinić - službenica za mlade Općine Iliđa

Mirela Geko iz Vijeća mladih Novo Sarajevo kaže da u njenoj općini izostaje podrška za mlade. Naročito u ovoj oblasti. „Mladi su snaga moje općine. Ipak, vlasti to ne vide na taj način. Nismo dovoljno informirani i nemamo savjetodavnu podršku. U suštini, uopće se ne poštuje Zakon o mladima FBiH koji je zaista uredio tu oblast. Određeni pomoci moraju se napraviti i to jako brzo“ – ističe Mirela Geko. Sličnog je mišljenja i Mile Vujašin iz Prijedora. Kaže da je u proteklom periodu aplicirao da dobije podršku svoje općine za pokretanje omladinskog biznisa. Ipak, kaže, stvari nisu išle po planu. „Imao sam dobru ideju, dobar biznis plan sa jasno određenim budžetom. Opština je, osim mog, kao kvalitetne, prepoznala još nekoliko biznis planova. Odlučili su da podijele poticajna sredstva. To nije bilo dovoljno za moj biznis pa sam odustao“ – dodaje Mile Vujašin. Da nije sve tako crno, dokazao je Aldin Alić, predstavnik Omladinskog udruženja „ReAktiv“ iz Zenice. Njegovu ideju, da proizvodi i prodaje cekere od EKO materijala, prepoznao je Institut za razvoj mladih KULT i početkom ove godine udruženju „ReAktiv“ dodijelio je grant u iznosu od 6.000 KM. Posao, kaže Aldin, danas cvijeta. „Ništa ne može zamijeniti predan rad. Ukoliko ste spremni raditi, zašto ne biste radili za sebe?“ – počinje svoju priču Aldin. Dodaje da bi bez savjetodavne podrške koju danas ima, sve bilo

mного teže. Savjetodavna podrška, slaže se Bosa Kalinić iz Općine Istočna Iliđa, možda je i najvažniji segment pri pokretanju omladinskog biznisa. Općina Tešanj najbolji je primjer podrške mladima za pokretanje omladinskih biznisa. Mirnes Dedukić, službenik za rad s mladima iz ove općine kaže da u Tešnju omladinske poslovne ideje ocjenjuju privrednici i da je to vjerovatno najveći razlog njihovog uspjeha.



Mirnes Dedukić, službenik za rad s mladima Općine Tešanj





**USAID**  
OD AMERIČKOG NARODA

Cilj diskusije, tvrde predstavnici USAID-ovog Programa podrške marginaliziranim grupama, bio je aktualizirati problematiku stvarnih problema i potreba mladih u Bosni i Hercegovini, pružanje institucionalne podrške omladinskom preduzetništvu, animiranje mladih s ciljem pokretanja omladinskih biznisa, te definiranje jasnog okvira saradnje predstavnika/ca mladih sa predstavnicima nadležnih institucija u svrhu efektivnijeg uključivanja mladih u društvene procese.

## POTPISAN UGOVOR O DODJELI GRANTA IZMEĐU USAID-A I UDRUŽENJA GRAĐANA „ŽENSKI KOŠARKAŠKI KLUB U KOLICIMA BAMBI”



Šefika Skorupan i Jasmin Bešić tokom potpisivanja ugovora

U Sarajevu je 29. oktobra 2015. g. potpisan ugovor o dodjeli granta između Američke agencije za međunarodnu saradnju (USAID) i Udruženja građana „Ženski košarkaški klub u kolicima Bambi“. USAID-ov Program

podrške marginaliziranim grupama (USAID PPMG) finansirat će nabavku sportske opreme i sportskih invalidskih kolica za potrebe ŽKKuK „Bambi“ u vrijednosti do 31.955 USD. ŽKKuK „Bambi“ je jedini ženski košarkaški klub ove vrste u našoj zemlji. Iako se mogu takmičiti samo u konkurenciji sa muškim kolegama, ove aktivne mlade žene su odlučne u nakani da njihov klub opstane. Najveći problem sa kojim se klub suočava jeste nedostatak sportskih invalidskih kolica koja su znatno skuplja u odnosu na invalidska kolica za kućnu ili svakodnevnu upotrebu. Program podrške marginaliziranim grupama ovim grantom obezbjeđuje nabavku neophodnih sportskih invalidskih kolica za sve članice kluba „Bambi“. PPMG će obezbijediti i sportsku opremu potrebnu za rad kluba - trenerke, patike, majice, torbe, te drugu sportsku opremu. Pored toga, uplatom kotizacija za takmičenja koja organizira Savez košarke u kolicima Bosne i Hercegovine klubu će biti obezbijeđeni uslovi za takmičenje u naredne dvije godine. Dugoročno su obezbijeđeni i uslovi za realizaciju uobičajenih trenažnih aktivnosti članica kluba kroz uplatu kotizacije za korištenje sportske sale.

## PPMG PODRŽAO SASTANAK OSNIVANJA KROVNOG ZAGOVARAČKOG TIJELA MLADIH U FBIH

7.11.2015. g. je u Sarajevu održan sastanak predstavnika/ca Vijeća mladih FBIH uz organizaciju i podršku Programa podrške marginaliziranim grupama (PPMG). S obzirom na to da Zakon o mladima FBIH predviđa formiranje Vijeća mladih FBIH (VM FBIH), PPMG je odlučio podržati osnivanje krovnog zagovaračkog udruženja mladih Federacije Bosne i Hercegovine. Na dnevnom redu su se našle važne stavke poput: osnivačke skupštine, izbora delegata, te loga Vijeća mladih FBIH. Uz pomoć i dobar savjet pomoćnika federalne ministricice kulture i sporta Adisa Salkića, predstavnici/ce mladih iz FBIH su definirali Statut Vijeća mladih FBIH, te načelno dogovorili pozicije unutar Upravnog i Nadzornog odbora, te rukovodstva VM FBIH.

Vidljivi su rezultati održanog sastanka, jer je Vijeće mladih Federacije osnovano do kraja prošle godine, a čiji je



*Predstavnici/ce Vijeća mladih FBiH*

odabrani predsjednik Mate Lončar, ujedno i predsjednik Vijeća mladih Županije zapadnohercegovačke, koji je tokom ovog sastanka najavio bi osnivačka skupština trebala biti održana sredinom decembra u Sarajevu. „Razgovarali smo o kandidatima za rukovodstvo Vijeća i pomoci su definitivno napravljeni. Federalno vijeće će raditi od starta. Dat ćemo sve od sebe da pomognemo u rješavanju problema mladih u Federaciji BiH. Radit ćemo na kvalitetnijoj implementaciji Zakona o mladima.“ – naglasio je Lončar.

Gopodin Salkić je izrazio zadovoljstvo jer je osnivanje krovnog tijela za mlade u Federaciji u tom trenutku bilo sve izvjesnije. Obećao je podršku koja je mladima itekako važna. U ovu podršku vjeruju i predstavnici/ce VM FBiH. „Nadam se da će saradnja između Vijeća mladih Federacije i Federalnog ministarstva kulture i sporta biti jako dobra i da će poslužiti kao primjer mladima, ali i cijelom bh. društvu. Nadam se da će se formiranjem Vijeća mladih konačno početi efikasnije primjenjivati Zakon o mladima.“ – kaže Mirela Geko, predstavnica Vijeća mladih Kantona Sarajevo. Predstavnici/ce kantonalnih vijeća mladih razgovarali su i o vizuelnom identitetu Vijeća mladih Federacije, ali i o tekućem stanju na terenu u lokalnim zajednicama.

## **PREDSTAVNICI/CE VIJEĆA MLADIH FBiH SA ADISOM SALKIĆEM, POMOĆNIKOM FEDERALNE MINISTRICE KULTURE I SPORTA**

Administracija i razvoj ljudskih resursa su bili tema treninga održanog od 10. do 12.11.2015. godine u Sarajevu za predstavnici/ce organizacija iz cijele BiH, a koje se bave zaštitom prava osoba sa invaliditetom.



*Predstavnici/ce Vijeća mladih FBiH sa Adisom Salkićem, pomoćnikom federalne ministrice kulture i sporta*



Dvadeset i sedam učesnika/ca treninga je broj koji za sebe govori o interesovanju koje je pobudila tema koja se dotakla nekoliko važnih ciljeva. Nakon treninga o temi Pravne i organizacijske strukture, ovaj trening je bio logičan nastavak za jačanje kapaciteta ovih organizacija kroz nekoliko etapa:

- koncepti i elementi upravljanja i razvoja ljudskih resursa,
- proces izgradnje tima kao uvjeta za uspješan rad organizacije i
- praktične vještine neophodne u upravljanju ljudskim resursima sa posebnim naglaskom na oblasti angažiranja i procjene rada osoblja.



Radne grupe tokom realizacije treninga

Zlatko Sarić, stručnjak za organizacijski razvoj, ujedno i trener koji je održao trodnevne radionice i predavanja o temi Administracija i ljudski resursi, kaže da je „dijapazon tema koje su se obrađivale na treningu bio prilično širok“, te da se „kroz participativne metode učenja govorilo o karakteristikama istinskog lidera menadžera, o procesu izgradnje time, definiranju prioriteta, načinima donošenja odluka, te procedurama vezanim za procese upošljavanja i procjene rada uposlenika.“

Pored definiranja tradicionalnog naspram demokratskog oblika menadžmenta, liderstva u funkciji razvoja ljudskih resursa, stilova vođenja i upravljanja kroz prizmu idealnog tima, te procesa donošenja odluka unutar tima, ali i ostalih značajnih tema neophodnih za jačanje organizacijskog menadžmenta, učesnici/ce su imali priliku učestvovati u sesiji o temi Rodno pitanje u kontekstu razvoja ljudskih resursa o kojoj je govorila Vedrana Frašto – predstavnik Fondacije CURE. U kontekstu



Sesija Vedrane Frašto, predstavnik Fondacije CURE

razvoja organizacija, pokazalo se da je ova tema pobudila interesovanje među učesnicima/cama, jer je ovo jedna od rijetkih prilika da se ovakvoj tematici pristupi na detaljniji, strateški orijentiran način.

Trodnevni trening je zaključen sa osvrtom na upravljanje vremenom tokom određivanja prioriteta u radu jedne organizacije, za šta trener Zlatko Sarić kaže da „je potrebno ponavljati misao koju svi uspješni menadžeri često ističu, ljudi su najznačajniji i najveći resurs svake organizacije i upravo od njih zavisi u koliko mjeri će se ostvariti ciljevi i sama misija.“



Tokom treninga su korištene razne metode kroz grupni i individualni rad, kako bi učesnicima/cama materija što bolje poslužila u svrhe jačanja kapaciteta njihovih organizacija.

**USAID - Program podrške marginaliziranim grupama (PPMG)**

Program provodi Institut za razvoj mladih KULT  
u partnerstvu sa NGO & BUSINESS AUDIT d.o.o.

Ul. 4. viteške brigade 34-36 • 71210 Ilidža • Bosna i Hercegovina

T: +387 33 778 766

F: +387 33 778 779

[www.ppmg.ba](http://www.ppmg.ba)